

Bekerja Berkumpulan Kunci Kejayaan: Dekan FKS

Terakhir dikemaskini: Khamis, 26 April 2018 17:08 | [Cetak](#) | Jumlah paparan: 383

[Kongsi 7](#)
[Syorkan 7](#)
[Kongsi](#)
[Tweet](#)
[Share](#)


KHAMIS, 26 APRIL – Majlis Perutusan Dekan dan Sidang Fakulti 2018 Fakulti Kemanusiaan, Seni dan Warisan (FKSW), Universiti Malaysia Sabah (UMS) berlangsung dengan jayanya di Theatre Ahmad Nisfu FKS baru-baru ini.

Dalam perutusannya, Dekan fakulti itu, Prof. Dr. Ismail Ibrahim menekankan tentang kerja berkumpulan yang merupakan kunci kejayaan.

“Bekerja berkumpulan mewujudkan sinergi yang lebih besar berbanding bekerja berseorangan,” kata beliau.

Beliau turut menambah bahawa kod tingkah laku antara staf FKS dengan pelajar merupakan isu yang perlu diberi perhatian khusus dan menyedarkan bahawa kakitangan merupakan teladan kepada pelajar.

“Amanah dan tanggungjawab mengemudi FKS merupakan cabaran besar lebih-lebih lagi di era Industri 4.0 yang memerlukan graduan lebih kreatif, inovatif dan terus berdaya saing di pasaran kerjaya yang semakin mencabar,” katanya.

Beliau seterusnya menyentuh tentang kejayaan yang dikecapi FKS sepanjang tahun 2017 termasuk matlamat dan tadbir urus fakulti bagi menyahut Amanat Naib Canselor 2018 dalam memacu FKS ke tahap yang lebih tinggi.

Majlis yang dihadiri warga kakitangan akademik dan pentadbiran fakulti berkenaan turut menyaksikan pelancaran Instagram dan Facebook rasmi FKS.

Sumber: FKS